



Operaciona sala na Ortopediji: Detalj s jučerašnje operacije skolioze

(Foto: M. Živojević)

KCUS Saradnja s našim stručnjakom iz neurohirurgije

Arnautović s kolegama iz SAD operirao bh. pacijente

Prof. dr. Kenan Arnautović devet godina radi u Memfisu • Operacije skolioze urađene kod mladih pacijenata • Nastavak saradnje

Profesor neurohirurgije Kenan Arnautović iz Sarajeva, koji već devet godina radi u bolnici u Memfisu, u američkoj državi Tenesi, ponovo je posjetio KCUS, gdje je obavio nekoliko teških operacija na bh. pacijentima.

Arnautović, koji je prvu specijalizaciju završio u Sarajevu, a drugu u SAD, pokrenuo je prije šest godina projekt pomoći i unapređivanja neurohirurgije i spinalne neurohirurgije u BiH. Ovo je njegova šesta posjeta Sarajevu u okviru tog projekta.

Timski rad

- Uglavnom sam dolazio s kolegama iz Memfisa. Za vrijeme svake posjete organizirali smo neurohirurške simpozije i učestvovali u hirurškim zahvatima. Prošle godine imali smo operacije u pedi-



Arnautović: Amerikanci oduševljeni Sarajevom

jatrijskoj neurohirurgiji - kaže Arnautović za „Dnevni avaz“.

Ovog puta u Sarajevo je došao s kolegom s klinike u Memfisu prof. dr. Džulijusom Fernandezom (Julius), stručnjakom za skoliozu (iskrivljenje kičme).

- Za tri dana uradili smo tri operacije. Zahvat koji sam obavio u ponedjeljak odnosio se na lumbalnu dekompresiju i postlateralnu fuziju, a Fernandez je uradio složene operacije skolioze kod dvije mlade pacijentice. Operacije

Veza s domovinom

- Bh. akademija nauka i umjetnosti u SAD, čiji sam član, ima mnogo ljekara i drugih profesionalaca koji se trude da unaprijeđe saradnju među Bosancima koji žive u SAD i našoj domovini. Ima tu još doktora koji će dolaziti u BiH - kaže Arnautović.

smo timski radili s kolegama iz Sarajeva prof. dr. Ismetom Gavrankapetanovićem i doc. dr. Mirzom Bišćevićem. Fernandez mi je prenio kako je zapazio da dr. Bišćević ima izuzetan talent i znanje za skolioze - kaže Arnautović.

Donirana oprema

On i Fernandez sarajevskoj Klinici za ortopediju donirali su opremu, šarafe i implantate u vrijednosti većoj od 100.000 dolara. Obavili su i konsultativne preglede tridesetak pacijenata.

- Moje kolege iz SAD koje su dolazile ovamo oduševljeni su Sarajevom i toplim dočekom, tako da će saradnja s Klinikom za neurohirurgiju iz Memfisa i KCUS-a biti nastavljena - kaže Arnautović.

E. HAJAČ

Učenje u Memfisu

U Sarajevo se ovih dana sa specijalizacije u Memfisu vratio dr. Abdulah Hasanagić. On je tamo saradivao sa prof. Rikom Bupom (Rick Boopom) i Arnautovićem. Njegov boravak u Memfisu finansirala je tamošnja klinika.